

水利志



從來水泉之為田利能參天人之功而永乎其用焉夫遂溝洫澮之法今則不得而復而或因其地之所便為之制宜猶可以時蓄洩為水旱之備連邑西北附山溪澗縈環輸瀉農人得資其利而鄉先民所締造賢司牧所經營亦往往周審而曲盡瀦水為湖支注為塘細流為圳古平壤陂岸之遺也障溪為垣古高田堰壩之方也舊志載名百四十有奇今就其可據者書之湖二在治北十里其東北為賢義里西南為欽平上里者曰東湖隋開皇十三年邑

連江縣志

卷之三

水利

人林堯捨田為之也

湖周二十里積六十六萬三千五百五十一步深一丈三尺上納九溪下

灌北野七里民田四萬餘畝元管產錢二千餘貫勻入受水之田歲久奸民侵冒為田唐咸通初知縣劉達奏請盡復民感其德廟祀之知縣李展為記宋開寶間修而復塞端拱二年耆民李牙等白於憲司知縣鞠仲謀大興開鑿易木斗門以石上為橋梁亭宇湖下造小橋六斗門七又約劉令石刻李令石椿取西大柱之上畫月字為水則置田園計產二百五十九文立東湖斗門戶司貯歲入以備修葺其自記云縣之北野古號東湖瀦水五百年溉田四萬畝民食之源也按圖經云隋開皇十三年肇興此塘厥後民豪擅利塘半為田咸通初劉君達宰邑義不容奸道先濟物訴於上國漸復舊基察地勢則仙掌前傾觀山勢則雲屏後擁牢籠一曲列大樹而固隄防控扼九溪設斗門而通溝洫苟非清德疇啟永圖故得劉君塑像以懷仁李令刊碑而濟美今皇上大中建極海內同文三推之禮勸農百穀之豐為瑞有賢能而皆舉無惠政而不興奈何廢我泉源害我稼穡始奸生於小利終弊在於上游狐鼠



相依絲桐莫化弗除民害難報國恩仲謀方忝治人未知  
為政前歲耆民李牙等狀於本道令下興工遂率衆心旋  
徵工手僉曰木斗門易壞礪石代之雌雄山立壯基構也  
架以橋梁覆以亭宇通往來也開設溝渠交橫左右疏源  
流也外造散橋六所便牛羊也小創斗門七所限津要也  
沿塘西北栽柳成隄虞內侵也又約劉公石刻李令石椿  
取西柱上月字之中畫一水則防後奸也劉公祠廟增飾  
經營廣遺愛也成功次年再令刊刻獎微勞也至若春田  
入耒秋稼連雲早魃為災陽烏熾景懸門未發局霖雨於  
平湖嚴鑰初開走雷霆於駭浪莫不環流高下支派東西  
一朝減尺寸之深七里救枯焦之患自此歲多大稔家給  
餘糧雖霑霈應祈桔槔廣用不能過也仲謀素慙公器益  
謝人文欲示編氓敢從實錄亦冀謳歌行路宣導皇風信  
俗變以無虞協棟隆而不可朽時淳化二年十月吉日連江  
縣知縣鞠仲謀記州以勞績載之批書太宗皇帝引對進  
呈圖子特授京秩景德二年漕運淮南復奏湖之便利乞  
賜名額以永歲年勅差建州林通判相度具奏邑民並祀  
鞠令於劉令之廟續准祥符元年正月二十八日勅節云

連江縣志

卷之三

水利

二

福州府連江縣東塘湖利及三千餘戶湖湄開溝沿溝種  
柳為界柳下堆土為墩不得令人戶侵占仍於溝東留土  
門出水入湖仰守湖人遇雨泛漲於土門內循覷如有沙  
土壅塞去處畫時申縣即令佐貳一員躬親修葺大斗門  
六處小斗門七處湖隄每春水滿差三大戶壯丁循覷不  
得令百姓偷破常須貯水灌注民田斗門田園仰令於水  
利人戶中揀選材力能勾當兩戶管勾送納產稅三年一  
度着替年限滿日願勾當者聽自鞠令後修不依條民仍  
侵耕慶曆初知縣陳珏班領典押官牙稽查東湖界宇索  
湖湄人戶姚圭等七十餘家契書比量除人戶田地外遂  
見侵耕大半各有丈尺在滿交與知縣汪湖量湖量復領  
官牙索私契比量盡復侵耕之地水利之戶陳鑄林簡等  
願備人工沿湖東西北三面築隄計一千四百餘丈高五  
尺底深一丈五尺面濶五尺為石柱一百二十條長八尺  
每二十五丈豎一柱沿隄栽柳以表湖界四圍湖地不許  
請佃嘉祐元年知縣朱定乾道九年知縣曾模各增修葺  
淳熙二年有詭民請佃者民以告郡索縣帖毀之五年又  
有道觀陳請民復以告乃重斷縣吏之給佃者十六年知



縣傅伯成嘉定元年知縣趙善嵩七年知縣陶武皆修南  
堽斗門淳祐八年知縣游義肅增高東湖斗門以伐侵耕  
之謀咸淳六年知縣宋日隆易開修補罅漏嚴啟閉而罰  
其慢令者明洪武六年奸民鄭伯載等告湖壅塞墾為田  
而水少廢二十年以後近湖居民因襲其弊增加壅淤湖  
半為田至天順四年知縣歐陽瀚復加修整凡斗門小橋  
及劉鞠之廟皆完而新之民德而並祀焉邑人趙雍為記  
主簿曾瑄乃立閘長閘夫以嚴啟閉自是侵耕者漸次退  
縮後暴雨湖隄崩壞知縣李俊縣丞駱宣相繼甃砌成化  
初知縣孫珏又命耆老率農夫量地均分以洵其淤由是  
支塘無壅邑人張子初為記十八年近湖民孫柏鄭綸等  
復襲開占增加壅塞遂至水利不興民受其害至二十年  
縣民余維新等狀控巡按御史劉信委懷安縣知縣李諒  
會同本縣知縣凌玉璣親勘坐孫柏鄭綸侵占之罪各杖  
一百徒三年湖始復舊弘治初民復侵佃七年叅政馬復  
親詣查案以正舊規正德十六年典史唐相重造湖閘下  
濬支塘及修各處斗門嘉靖三年叅政蔡潮按邑明正侵  
畔湖利復興後奸民又冒名請佃知縣熊尹臣申請郡守

### 連江縣志

### 卷之三

水利

三

吳崧力抵以罪乃大清湖界修築水閘以杜偷破侵耕之  
弊邑人孫用為記大都湖之為弊有二一日侵耕一日採  
捕侵耕害大採捕害小而究之偷洩私開鑽穴透漉以致  
湖隄水漏害亦非輕至若近湖漁戶尤多弊端有託言修  
築而夤緣告放者水涸而隄崩如故無非為捕魚拾利又  
有以十月之後積水無用報滿呈放者偶值春旱蓄積不  
及春田受害隆慶間知縣張聘夫為政多惠湖不漫放萬  
曆間知縣劉挺復嗣其美水滿田豐湖深魚樂有荷有芡  
牽風映日允稱遺愛云 國朝順治十八年調遷海民於  
內地有荒阪開墾之令王明石等開闢卸水指為荒阪冒  
墾至三百二十畝呈輸稅銀一十六兩漸占湖心水利大  
傷康熙六年長樂縣丞王紹芝署連篆諸生陳蓋瀚游光  
龍陳登公請詳復時署郡者以三百二十畝已經報院達  
部當聽耕種此外斷歸為湖士民嗷嗷以存三百二十畝  
之田終至湖水不能全湖仍控兩院覆審適新守王之儀  
履任洞察利弊徹底斷還七里受水之民願勻輸其稅兼  
以照磨嚴文經奉憲委會縣踏勘具悉其狀亦請全復當  
道允諸遷民陳乞期如數以他出償之令下衆無以應七



年總制趙廷臣闕界入連游光龍陳登等仍僉陳請方檄  
知縣郭鞏清還湖基九板乃獲全開十八年又有投誠官  
張天祿等呈司請屯十九年再遷遷民復謀開墾皆光龍  
登等僉沮之有三復東湖水利記時同事者如趙有聲楊  
承錄陳壽吳旭陳九桂吳日晉陳承宰吳維堅吳孔錡吳  
駿陳啟暉林成閣孫驥雲孫間五吳驥皆不憚艱難財力  
悉殫焉五十年近村民張君儀復覬覦上湖高阪冒呈總  
制滿保檄查紳士吳瀾達陳潤孫魁楊德昇等僉白知縣  
王孚力詳飭禁雍正十三年又有閩縣廢倅陳瀛借墾荒  
為名請墾湖地知縣戚毅言准紳士陳道峻林鴻吳鵬舉  
孫澄梅良睿等呈詳止之因以湖志舊有上下墪歲久上  
墪崩壞湖地露阪致奸民紛紛侵墾請憲砌造上墪高與  
路齊平湖積水而侵占以息其自記云湖形如掌西高東  
下羣山掖九溪之水而東行東山之麓為隄建關以司蓄  
洩溉其澤者至四萬餘畝義士之德至今已九百餘年矣  
乾隆二年颶風潰湖決外隄二十餘丈憲司檄縣發帑修  
建之蓋自山崖至於閘祇二里許水迅如激矢急不待貶  
眼頃刻至則下隄溢而泛不能少容西上之脊已露藁苴

連江縣志

卷之三

水利

四

奸民遂羣起耕之爭端日起古人立法盡善妙於適中之  
地更築內隄以梗其間隄高而水深厚故可久蓄即外隄  
亦倚賴之為固迅瀑未易侵也不知何時蕩然無存民幾  
不獲湖之利則不得不大興工作厚其根抵先以乾土碎  
石加工築如堅鐵再砌以方石累成五疊深七尺有奇長  
二百二十丈廣四丈上植梅李雜木以固其基下種荷葉  
以博其趣屹如山立互如長虹可以壽數百年而不傾不  
隳矣計費帑金一千七百有奇方石用四千二百有奇碎  
石用四萬石築土運石共一萬八千餘工又劉鞠歐陽三  
賢宰之祭舊祠於義士之廟非體也今令吳子安國等別  
建三楹以祠義士亦云飲水知源  
馬爾工竣謹述其始末以示後  
湖 卽筠溪中有龍井旱至心  
見井輒雨農人常以為驗  
北至松灣宮前西至玉泉山

下附郊近田利賴亦博焉東湖下斗門七日南墪斗門

縣在

治東北欽平下里為東湖尾閭宋淳熙十六年知縣傅伯  
成嘉定二年趙善嵩重修邑民謠日南墪經年嗟久廢重



整舊基興水利旱令不苦雨不愁農  
家預有豐年喜縣尉謝宜中有記  
曰浦下斗門在縣治東欽平

下里瀦東湖之水通鼇江之潮嘉靖間洪水衝壞知  
縣袁鑑修後又壞朱應辰重修邑人吳文華記之  
曰北

堽斗門在縣治東欽平下里久淤  
塞乾隆二年開河始通  
曰王塘斗門在縣治北欽平上里

久廢康熙二十四年  
知縣王仁灝重造  
曰亨崎斗門在縣治北欽平上里  
湖頭開亨崎山下  
曰

山下斗門在縣治東北欽平下里  
上為東湖下為財溪  
曰縣西斗門在縣治城壕內上瀦

東湖之水下納鼇江之潮順治甲午知縣楊繼生重修今壞  
皆東湖下流知縣鞠仲謀

所造用以開瀦湖流也湖流匯九溪以漫漭灌七里而滂

湃每當開閘奔濤激浪直注於江故或遠或近立為斗門

使之渟滯環滌乃可溉注於村田故斗門又湖利之大也

連江縣志 卷之三 水利 五

斗門內凡為塘受水者三十有四自湖閘下分流而東者

曰下塘自湖閘下西流而南者曰亨崎塘沿亨崎山為斗

門者也自亨崎塘南流者曰小橋塘曰官路塘曰赤蘆塘

曰四宿洋山下塘有亭翼然臨於橋北與橫塘亭對峙者

是也自亨崎塘西折入青塘墩者曰玉塘曰堽頭塘曰柴

橋橫塘曰低浦口塘自亨崎塘西折入松灣墩者曰與頭

塘曰北禪小崎塘至若大臍塘若阪橋塘舊志至湖頭閘長一千七百丈

澗三丈近為沙伏民若汀尾塘今亦  
侵墾成田橋石尙存若興慶寺前堽頭五

石塘則又與頭塘分支南流自縣西清河里入江之處城



壕之內有縣西斗門者也

縣西斗門興慶寺皆久廢

自官路塘分流而

東者曰王塘曰橫櫃塘

地有一櫃二櫃大櫃小櫃故名省志訛作黃賈

自橫櫃塘

東南流至於縣尾入縣者曰菴前塘東至於北埵斗門其

東流至於山下前者曰四宿洋橫塘支流而東者曰猛浦

塘又南至於伏沙者曰後攬塘至於黃家墩者曰黃早洋

塘舊志所謂縣東三里之地也其南出者曰龍卧塘曰浦

下塘浦下斗門之所統會也湖流之自亨崎塘出者止此

若下塘之東流始僅盈帶後漸濫觴龍滌北繞財水東納

環岱雲而攸濟會幕浦而激灑支派遠出泛溢旁分曰雙

### 連江縣志

#### 卷之三

水利

六

木橋塘曰劉家洞塘曰西林寺前塘皆山下斗門之地下

塘所經流也更東至虎橋外為大門塘則財溪之逆流矣

財水舊與山下塘接流入縣俗謂倒流水前代邑民多饒坐此今塞

其中流南行者由三肢

塘至於雙碑塘與亨崎塘之水會其東出者至於南埵斗

門又東南至於烏石橋塘與幕浦洋之財水會曰毗屯塘

曰毗屯大渠塘皆其上流所經歷之處也湖流之自下塘

出者止此

舊志尙有棗橋塘羅喝塘後阪王舍前塘層窟塘雙林黃塘俱未詳所在

至於縣治

河道在縣前者曰縣前塘在縣東者曰東大渠塘在縣西

者曰西大渠塘昔壅而今開者也

以上各塘宋乾道九年知縣曾模遺保正副規



量總計八千八百七十三丈 治西在清河里者下笕止水之所曰古塘

在光臨里者洪坑之水所匯曰湖塘 舊志前塘疑即此 由江北載

稽江南安慶里塘十有九發源於利坑第八溪者自薦福

塘歷官莊塘至赤砂橋為高粱大塘至鳳頭宮前為王塘

發源於玉樓山者在澄巖為澄考潭塘分流至花塢為考

塘歷長浦會於柳塘 嘉靖六年知縣陳賢重復 至上斗門為南北埵塘

會於埵頭塘至南塘前為湖探塘會於東山之竹橋師姑

塘自柳塘出者紫橋下浦塘開其鉅也自埵頭塘出者五

里牌塘開其鉅也自竹橋塘出者新亭塘開其鉅也至於

連江縣志 卷之三 水利 七

逾東峯嶺而南為秦川塘 俗呼牛圳塘今塞民以為田 逾鏡路外向汪

洋作渡為黃崎塘為鄭崎塘為外埵塘沿江東迤為荷頭

山裏塘 嘉靖六年縣丞顏繡重開今淤民以為田 此治南蓄水者之大畧也 舊志

尚有陳舍後塘石橋塘統軍塘城門塘多膠塘俱未詳 由縣治而東永貴里塘七自

胡童嶺溪 又名佛亭嶺溪 北流至東岱口者曰董舍前塘西流至

湖裡而北者曰劉舍前塘蓋二氏之居近焉董舍前塘北

至於演宮之前曰外疇塘西至於外浦曰浦頭塘其上有

斗門曰斗山塘更西為洪塘斗門其橫坑塘又在演宮之

洋者也 演宮左與坑裏對峙橫坑塘當在此舊志作洪坑又入安慶里恐訛 嘉賢下里塘六



曰龍山湖塘上有龍山巉巖峻險山水下注焉其下爲西塘會財水東流者爲馬塘分流而東者爲水笕塘又東爲獅子塘至於幕浦堡北者爲王浦塘二十九都塘五在塔嵐者曰峽塘曰水合塘與幕浦之馬塘合流在樵橋者曰大樵塘源發於鹿池歷益砌至於浦口入海曰小樵塘源發於烏巖之龍津歷白渣入海在松塢者曰松塢塘塢中山水所聚潴以溉海墜之壞田者也建興里塘二在赤石者曰土花塘在東山者曰橘木塘東山李氏砌橋爲閘今其碑文可據也在嘉賢上里者曰圓塘或又曰洪塘從洪

連江縣志

卷之三

水利

八

樵墩得名云在集政里者發源於裏湖由下濂塘至於官

橋塘在安德里者發源於大溪由鄭塘

或云朱鄭鑑故居在此因名至

於小涸溪塘

尙有烏欄塘未詳

在保安里者發源於長龍由館讀

塘至於王孫塘凡塘八十有三大者溉田輒數千畝次亦千餘畝最小若松塢塘亦溉田數百畝前人經畫至詳且備今於舊志所載已十亡其一卽所傳聞於故老之口漸侵墾爲田者又十之一不爲之所越百數十年按志而求必有莫詳其處者後之視今亦猶今之視昔矣至如引塘水入田者爲圳舊凡二十有三治北欽平上里圳五曰第



一圳曰第二圳曰第三圳曰第四圳曰第五圳北野田地

高曠旱則待決湖水入塘厚塘上圳厚圳入田農功最艱

者也在治東王步下者曰至和圳北接於東嶽放生池今

新安里圳六曰塘圳曰牛圳即秦川塘曰龍泉圳曰西橋圳曰

石門西泉圳曰荻蘆嶺圳安慶里圳三曰南塘圳舊有南湖故名

今墜民侵為田湖口在焉云湖探塘是也曰水洋中圳曰上斗門圳永貴里圳

二曰孫圳曰官田圳安德里圳三曰官圳其田最腴俗云佃官圳田不糞

曰後塘圳曰南阪圳安定里曰小圳清河里曰祠山前圳

在玉泉寺前舊有祠山廟今圯光臨里曰古圳蓋平疇衍畝之利盡於斯

連江縣志

卷之三

水利

矣他在崇岡峻嶺澗斷峯連因勢利導則圳之為用能及

崎嶇磽确而靡遠不達焉舊志圳三十有四在治北之安

義里者曰南洋石灘圳東禪之南洋阪所資也曰神宮阪

圳杜棠上阪所引而及也曰鄭門前阪圳地有鄭公墓在

而圳壞已久矣賢義里圳八在新洋屏風山下者曰石峽

神宮圳山下巨石高廣十餘丈水下如垂簾千夫鑿石穴

而出故俗名石硤千工圳其下曰官安圳當即志之東灣

圳又其下曰王阪圳或云官秀圳皆石峽下流橫溪之水

所聚在巖下者曰烏石圳溪有巨礮皆墨色故名之至朱



灣之大坝曰朱灣坝至賢義曰澗闌坝山斷橫筧接水入田如澗截路故曰澗闌在洋門者曰溪柄公洋坝水出於馬鈴溪地有倪公巖水夾岸行形如瀑布云溪柄公洋或以此乎在東塘者曰東塘坝源發於前山下入東湖焉治西至光臨里坝四在張門阪者曰張阪坝障蘆溪之水入於田在湯嶺下者曰中圳坝源發於降虎嶺下自猪牯潭以下達曰小澗坝地則有小澗潭曰王宅坝地則有王宅山今無此坝治南永貴里曰大潭坝胡童嶺溪之溢流也安慶里曰龍潭坝澄巖龍潭之漫衍也治西南安定里坝七在

連江縣志

卷之三

水利

十

瀾水者曰石峽坝曰石峽大坝水自斷流山石穴中出迅疾湧湍測石激軸不可名狀其下沿溪流障水入田者曰溪東坝曰溪東大坝曰大溪坝至鳳山之鳳溪坝定田之澄田坝則又隨地以名之在治東嘉賢上里者曰大坝鳳楯山之水盤屈於長龍七塊之中俗謂之茶隴洋中坝自長龍逾烏巖南下瀑布千尋入於財溪其下曰財溪坝西至於烏石塘南通於幕浦西塘者也凡坝之可名者僅二十有六耳夫古人詳於田制而水陸占地不得爲田者頗多非不惜而虛棄之也捐之以予水固將有以取之故爲



畜爲止爲均爲瀉有稻人之掌漢倪寬遷內史奏開六輔  
渠定水令以溉民田召信臣守南陽開通溝瀆起水門堤  
闕者數十處民皆利焉連以百里提封生齒繁殖計田餘  
十六萬六千畝蓄水之區止百三十有四詎謂多乎疏其  
闕修其圯正其侵使溝塍繡錯挹而注之常有餘則天時  
或變人事或窮而吾之爲利自若也是以財成之道侔於  
造化



水利志 下

若夫鑿井而飲寒泉可食物有常而不窮所濟亦其利之大者東南地下穴不盈丈輒通流井蓋環於鄉錯於里或比舍有之即在連固未易更僕數今第就以泉得名者循舊志書之在縣之西衙者曰美政井昔縣丞廨內地也在文山旁者曰傅公井知縣傅伯成之澤也在龍西鋪之靈勇廟前者曰化龍井以近於龍橋故名在萬石鋪西佑聖宮後者曰西宮井泉色瑩味甘今宮廢而井尙存在縣後北佑聖宮旁者曰朱砂井寒冽異常夏飲之炎蒸可滌也

連江縣志

卷之三

水利

十三

治東關外數十步在龍興觀者曰龍興井今其井屬泰山廟旁治南

三里許在八寶廟前者曰冠英井東南十里至於山藏山

前者曰五泉井治東北數里在荷山下者曰荷山井東北

數十里在二十九都有泉清泚從石中出者曰後崎井在

鱸峯頂昔為章壽煉丹之處者曰煉丹井至於安德里舊

傳有青衣童子撥草取水乘雲昇鱸峯人即其地掘之得

泉者曰童井舊志井深僅尺餘不溢不竭宋慶曆中邑人鄭珍修靖國崇寧間鄭中行重修此皆

以泉名凡十有二耳至故老傳說鄉人祈禱所及號為邑

中九井則有在縣東之五通宮前者曰第一井在花坪坊



左壽山巷口者曰第二井在縣前大街之西社壇巷口者曰第三井北十數步傍柱史坊左者曰第四井在縣前大街之東興賢坊口者曰第五井北十數步在大街東介者儒科甲二坊間者曰第六井水味皆劣不中品在仁壽街斗魁亭後者曰第七井此水與江湖通故特爲清甘云在雲路巷口者曰第八井別名義井味次之亦通源於江者也在化龍街前者曰第九井水重濁而味稍腥與第一井同夫物惟絕特乃彰其異連之九井以真源稱美者一而已他何所異而列而神之也或曰作爲星象以制南方之覆釜

連江縣志

卷之三

水利

十三

廉貞也

舊志治南面覆釜山山高石巖陰陽家指爲廉貞

鑿九井象北斗以壓之歲久堙壅宋淳祐七年知縣游義肅修濬環以石欄自一至九鑄石識之後復堙邑屢罹火患明永樂元年知縣侯炯重修果爾縣

前正當南方火位故三街左右兩街之旁九井居其四今市民張肆閣木爲牀以列貨井皆居乎其下聞之木上有水爲井故能制火而勝之水下木上其可乎災亦數興曾莫知省詎獨棄用汲之資忘勿幕之戒也至如縣東荔枝巷之蓮花井色如碧玉味比醴泉地僻而汲者稀不見其溢歲旱水枯千家競取之不見其竭俗傳下有寶鏡人不得窺其底是或然也連井得名者二十有一此不與焉世



有陸鴻漸李季卿其人能無一喟哉

連江縣志

卷之三

水利

十四



郵置志

考郵置之設自周而有凡國野始十里至五十里爲之廬宿及路室候館豐膳蓋以贍賓漢武開河西郡置驛制因之而後世之郵亭傳舍所自昉也漢法別馬高下爲置傳馳傳乘傳顧春秋時於楚名驛於鄭名遽蓋嘗先之此又後世驛騎及鋪兵傳檄之始而從來亦久矣連驛有在縣北四十五里者曰丹陽驛在縣西二十五里者曰陀市驛又三十五里者曰陳山驛皆西通省會北達福寧設爲公館非復古之制也特供巡按停驂有司自脩廚傳耳鋪則

連江縣志

卷之三

郵置

五

取捷給便往來應急疾之用與驛騎等其傳憲檄者八皆始自元至正十五年至明洪武五年主簿張仁卿重建之者治西十五里曰羅崙鋪二十五里曰潘渡鋪三十五里曰陳山鋪自連達省之道也在陀市驛曰陀市鋪逾五里曰周溪鋪又逾十里曰赤碕鋪自省達福寧以及浙者也

在丹陽驛曰丹陽鋪逾十五里曰東禪鋪達於羅源界者也其於縣地傳遞者七洪武二十七年主簿楊安所建者治北十里曰東湖鋪又十五里曰賢義鋪治東十五里曰財溪鋪又各十五里曰松塢鋪曰麗塢鋪八十里曰亭角



鋪則定海所也定海爲閩安咽喉邑治保障之地明置千戶鎮時出舟師會哨檣櫓往來皆馳聞於縣故治東置鋪特詳一視衝要焉舊額設鋪兵五十四名歲編役銀共二百六十二兩四錢六分零總鋪在縣前街西正德間知縣吳笈移置於旌善亭北鋪兵每名按鋪輪值率以五人聽候差遣公文之自上來者交縣西鋪投繳自縣往者由縣西鋪頒發鋪有舍卽古所謂書舍其制於亭後爲廳左右爲房推之各鋪大約相同今地鋪兵在家聽役茲值昇平海疆無事鋪兵惟符檄是任有時官司迎送或急遞差役夜行職勞

連江縣志

卷之三

郵置

六

及火枝供應而已視百年以前軍務旁午羽書飛馳而又  
有公私驅使宵晝無寧晷其勞逸相去何如耶至  
國朝有塘兵之設或十里或十五里各置數人守要詰奸  
與汎地弁官共之治東諸鋪遂於康熙初年奉文裁減然  
鋪兵僅存三十九名役銀旋復全額視前工食各增十之  
四矣加惠鋪兵是固至仁且厚尚何體恤之不周爲患也



坊表志

王者旌獎賢能錫華袞以榮之也書簡策以永之也而復於衆所具瞻立之坊表亦猶其榮而永之之義也書曰表厥宅里樹之風聲則崇其軌於一人一時且以激勵人心為後來者勸故依古迄今規焉勿改連江坊之為公所建

者八曰宣化坊

在縣治前舊名美政

魁龍坊

在縣西天王前今廢

龍津坊

在縣西南

龍津巷崇禮坊

在縣東北彌陀寺前今廢

鳳崗坊

在縣東北明知縣張聘夫立今廢

雲

路坊

在縣東南第八井原宋紹興間為侍郎李彌遜立後燬元至元間知縣竇茂發以地為出泮之程重立坊

易斯名連雲坊

在鄭家巷口知縣李榮立今廢

興賢坊

在興賢街舊名鳳池永樂初邑人周

連江縣志

卷之三

坊表

七

鐸改建易此壯觀瞻隆典制者也外此以示人力學敬公斯名今廢

勵行皆風教攸存其表科第者三十有三曰畫繡坊

在透街宋

政和六年為進士王元鼎立

狀元坊

在安德里宋淳熙元年為狀元鄭鑑立按鑑以兩優釋褐出身不知

何以遽云狀元俗稱沿襲已久姑仍之

畫錦坊

在橫槎渡頭宋嘉定十年為釋褐高夢月立

省元

坊在務後街舊名梯雲坊宋嘉熙六年為省魁常挺立

登龍坊

在資壽街宋咸淳巳未為趙良榕登文武

進士改衣錦坊在王步街明宣德二年為進士林准宗立

大魁坊

在江南街永思巷旁宣德

八年為榜眼趙恢立

濟美坊

在西門大街宣德間為舉人林萊林漢川父子立

青雲坊

在仁美街

舊名叢桂明正統三年為舉人吳善立

攀桂坊

在二十九都正統三年為舉人張貞立

丹桂坊

在宏路街口正統三年為舉人周儀立

文魁坊

在魁龍橋西正統六年為舉人陳隆立弘治三年為其孫



舉人陳聯英坊 在仁壽街正統六年為舉  
應奎坊 在務後街正統

十二年為舉 毓秀坊 在東岱正統十二  
解元傳坊 在宏路街明景

泰元年為解元翁 進士坊 在學前街景泰三年  
文科坊 在賓舉人翁士榮立

沙景泰四年為 鳳鳴坊 在縣東長街景泰七  
世科坊 在縣東浦舉人黃珪立

頭景泰七年為舉人張偉立萬 登科坊 在安慶里明天順  
三年為舉人林崧曆壬午再建改名牙胤繩芳

立 登俊坊 在宏路明成化元年 梯雲坊 在文山街成化五  
年為舉人章樓立為舉人呂繼和立

步蟾坊 在登雲街成化九年 聯芳坊 在縣東長街成化十  
四年為舉人林彥脩為舉人陳從儒立

林彥學林 世美坊 在江南街成化十七 世科坊 在學前街  
年為舉人趙壘立成化二十

年為舉人 世英坊 在宏路街成化二十三為舉  
起鳳坊陳謙光立 人翁士榮立後併入解元坊

連江縣志

卷之三

六

在王巷街明弘治三 亞元坊 在縣南相公隄弘治三  
世登年為舉人陳元憲立

進士坊 在萬石街明正德間為 進士坊 在魁龍街仙花廟  
前明嘉靖元年為進士

進士朱 科甲傳芳坊 在縣前街明嘉靖三十四年為進士  
吳世澤吳文華舉人吳應乾吳尚誠

同 其表榮仕者十有八曰豸繡坊 在天王前街宣德九  
憲立 年為御史孫欽立

節流芳坊 在天王前街宣德九年為副 豸繡坊 在縣前大  
街景泰四使林錦立後改建文山巷

年為御史 憲節流芳賢科接武坊 在文山巷成化九年為  
副使林錦舉人林評父張子初立

子同 稽古坊 在魁龍坊口弘治三 三邊總憲四世登瀛坊  
立 年為知縣陳儉立

在縣前美政街弘治十五年為副都御史歐信立正德七  
年改建西門外二十一年洪水衝壞二十九年為其孫思

賢思誠聯登進 憲臺雙誥坊 在王步街正德辛未為 郡伯  
士同建原所 御史王德溢父王綱立



坊 在王步下街正德戊寅為福星坊 在縣西嘉靖丁酉紫

誥褒榮坊 在美政街嘉靖二十六年 叅藩坊 在美政街嘉

為大叅 天錫綸褒坊 在美政街嘉靖三十年為 賢大夫坊

趙雍立 在王步下街萬曆間 司徒大夫坊 在王步街為 大夫良牧

為同知王一岳立 坊 在王步街為 大夫坊 在美政街為同 柱史坊 在美政街

十三年為御史孫用立後 百歲耆儒坊 在美政街南萬曆

燬崇禎間重建易名侍御 鶴 三世中丞坊 在美政街萬曆七年為贈右都御 大司馬

大中丞石坊 在美政街萬曆七年 其表貞者十曰貞節坊

一在定海堡弘治間為黃羽未婚妻謝貞小立 一在王步

街嘉靖己酉為孫坦妻邱氏立 一在二十九都嘉靖癸卯

連江縣志 卷之三 坊表 九

為王復源妻滕氏立 一在透街萬曆戊子為黃應龍未婚妻

未婚妻林順德立 一在陳聰小立 一在美政街西天啟間為陳天秩妻劉玉小立

一在福星坊街崇禎間為陳喬桂妻林玉潤立 一在義井

街康熙丙寅為游日臨未婚妻楊聯姐立 一在興賢

境巷康熙壬寅為游邦直未婚妻林懿姐立 一在化龍街

雍正甲寅為游 其表孝者一曰孝子坊 在仙塔街雍正七

為光妻黃氏立 又貞節坊一 在幕浦康熙丁酉為 陳玉琳妻鄭氏立



古蹟志

共此一山川而居人指述過客追尋或屢涉頻經至坐卧不能罷去地匪特奇其傳之有故也蓋事希則軌絕人勝則跡殊迨乎物運遷回遂有慕曩烈而恨不及時瞻高山而嗟非近卽情因景觸往往類然彼夫耳目所矐率無異趣及與偶談遐阻則拊髀歌思何者境違輒感風往多懷也况於握勝圖標孤尚者乎是以睠焉寄想登臨之地如新宿昔之經猶識流連往復人有同心爰列其尤知論古之士神極於溯洄而慨生於憑弔其在斯歟

連江縣志

卷之三

古蹟

三

荻蘆峽在新安里秦始皇以東南氣王凡山秀拔者悉令鑿之此山鑿得蘆根數丈斷之有血朝劖夕合或夢神告曰夕置鍬鍤於根中達旦不收遂斷矣役者如言果然後

水流爲峽

何其偉詩錄數天人盡江川日夜流猶懸秦地月長照荻花洲樹色迷豐沛蘆聲怨項劉千年

更惆悵直此割鴻溝

蔡母臺在集政下里海中有金牌玉印二石旗峯鼓嶼在旁時有祥光相傳蔡丞相父漁於此母因葬焉潮退石羊

石馬俱存

鄭鑑詩夜月龍泉冷春風蜃氣深松楸容祭掃何必擇江心

望星臺在中鵠里唐張瑩隱所臺下有八仙屏乘風閣俱



存 吳文華詩橋通流水出青林與客尋幽遠逕深占象有  
臺迤草色砌花無主漫春陰鶴歸東海千年月人在斜  
陽百代心舊事荒涼不  
可問閒凭湖石聽山禽

龍臺在新安江側宋淳熙十六年知縣傅伯成築臺祈雨  
有驗嘗有舟泊其下正旦忽風浪騰湧烟霧晦冥龍蜿蜒

見於江心

東里別墅在安德里宋鄭鑑讀書處

筠溪釣臺在清河里濂湖山麓宋侍郎李彌遜忤秦檜歸

築臺釣魚於此遺址尚存 陳潤詩悠然垂釣水雲寬千載  
高風想掛冠遺跡終寒好檜膽

荒臺如峙子陵灘絲綸收後烟波冷日月沉時  
草樹蟠憑弔靖康傷底事飛鷗片片下層湍

連江縣志

卷之三

古蹟

三

松臯龍井在二十六都巨石中竅穴為井龍潛其下相傳

楊八使捉之繫於石楯今繫龍楯尚存

見山亭在花塢明御史王德溢讀書處

曠如亭在治東下里明尚書吳文華別業知縣劉烜額綠

野高風四字 葉向高詩尚書別業喜初成開宴東山意不  
輕花底雲深遺賜履林間春靜聽流鶯當筵

自愧詩情短對景偏宜酒態生知是乞歸心便遠不妨車  
馬日縱橫王應山詩綠野堂高日未西峯巒廻合望中迷

鼇川布潤花彌谷鵬海噓潮水拍隄寶桂玉芝森應瑞碧  
桃朱李默成蹊薄遊自笑非嘉客十日平原酒尚携陳宏

已詩粉堞映孤村青山過短垣客初投北海公久號東  
園蘿月延飛蓋松風杜掃門偏留布衣者十日歡平原

荷亭在橋東浦明郎中吳承烈別墅



樂平臺在大亭口俗名牛皮沙總制姚啟聖平臺灣駐兵

於此改名樂平沙地有行臺民因為祠以祀公雍正四年

大水狂風臺圯

附軼事 姚公駐兵時有卒奉公文為虎所噬公大怒曰軍士奉吾檄虎敢犯之不

按軍法何以行師令連營環東坪蠟塢大小亭山數十里限三日捕虎復命居民以虎在古墓中告公遠賞百金命為前導至穴一卒持大刀俯身直入刺虎落斑毛一片虎咆哮出搏刺者有持三股叉者急以叉攔其頸虎不及搏逸炮兵獲之方論賞所先撫軍曰炮兵獲虎何疑公曰不然持刀直入者上持叉繼進者次之炮兵下矣授大刀兵都司三股兵千戶炮兵止數十金於是人人思奮敢死向敵卒立大功論者以此亦公一兵機云又陳潤記總督姚憂菴公觀兵定海堡行臺駐樂平沙熟悉遷民顛連不勝憫惻因設便宜安集上疏復移 朝命未下於是兼疏通商足國疏凡二十七上身上任海上之事 詔許之沿海哀鴻歡聲如雷復移後家祀公像每食必祭閩人遭變三十

連江縣志

卷之三

古蹟

三

年驚魂不定因公初見太平亦迎像祀於洪山橋頭題聯云十萬戶民存心目問認作此生事君事親事師之節千百年後來瞻仰者便知當日立功立德立言其人公隨以勞瘁卒於官凶聞白叟黃童寡婦皆持帛哭奠累月不休遠如吾連之海民家家咨嗟流涕嗟乎一介之士得位行道感動人心至此可謂榮盛之極矣則夫大聖人之得邦家其生也榮其死也哀豈虛語耶



寺觀志

儒者多以佛老並稱佛自漢明帝求書天竺國偕沙門來  
今之緇流固其教也老致虛運實卽云出函谷關授尹喜  
書道德五千言與今之位門一字何涉乎顧道教謬訛人  
能辨之而佛之託旨精妙明哲之士動爲惑溺遂至顯居  
護法弘啟叢林夫其言馳成化固未易窺而旣頭顱濡糞  
敝袴爛羹何有於金碧輝煌幢旛鐘鼓哉然則香臺檀室  
特衲子希圖福利爲大衆皈依布施地耳縱現身示教亦  
不在此無疑也連寺觀纍纍多遺不錄僅取名勝者記之

連江縣志

卷之三

寺觀

三

蘭亭約契竹院消閒尋玉版分紫茸爲幽人達士之寄趣  
可矣他非所知也

寺之在環城內者曰

護國天王寺

在治西北仙塔街唐大中三年建舊名竹林  
咸通間始改賜額明永樂元年佛殿火宣德

五年重建成化二十年僧明滿重修寺田五百五十六畝  
嘉靖庚子造城賣寺廢地官鬻於孫氏今爲遊擊公署

彌陀寺

在治東宋政和三年建寺久廢有  
井名彌陀井卽五通祠前第一井

興慶寺

在治西白石頭周  
廣順元年建今廢

寺之在欽平上下里及江南鋪者曰

龍卧寺

在治東下里隋仁壽三年建明  
正統四年重建嘉靖三年廢



西禪林寺 在施灣晉天福五年建

西林寺 在九龍山下晉天福五年建宋咸淳初火七年重建

崇慶寺 在劉家洞晉天福四年建

龍滌寺 在龍滌山半宋嘉祐二年建久廢基址尚存寺有茶亭明崇禎間吳日省募修

崇壽院 在東湖蓮花隴宋天聖四年建明宣德七年重建

含光寺 在下斗門含光塔下明萬曆年間建

荷山菴 在浦下元興筠溪裔孫李仕明以世受宋恩不仕隱於珠浦因闢荷山院祀其列祖像至正四年其

子俊重建并捨僧田十餘畝其孫佑重修圍牆整佛像游璉詩梵宇寰塵外乾坤坦蕩中潮生滄海碧花發紫薇紅祝髮談三昧登雲仰數公明朝秋意動霜信向南空吳尚誠詩虛堂僧室留雲濕靜夜鐘聲帶雨鳴

連江縣志

卷之三

寺觀

三十四

淨雲菴 在清溪嶺畔明崇禎間建鄭建翰詩素有耽山癖隨雲躡上巔松花供鶴餉竹笋起龍眠擊磬知何

意聞香笑是禪十年重過此邱壑古生烟邱允通詩獨夜想明月空山隱淨雲

崇寧菴 在治北下里明天啟間建

永思菴 在治南江南街明洪武二十二年僧義山建祀宋造通濟橋僧真覺今廢

寺之屬治西清河里者曰

大中玉泉寺 在玉泉山隋大業元年建宋元祐初修陳傳記云無諸城北山為絕高歷山而東不百里

俯見巨海羣山負濤壁立萬狀龐然龍葱蔚而秀發者玉泉也泉出於西峯之間甘潔清瑩唐天寶中浮屠流始附泉而棲浮屠嗜茗故獨知泉之甘其茹屏芻豢故不犯泉之潔其游燕靜定觀照虛寂故達泉之所趨向然泉之發源出重幽歷懸坎其道若屋漏若雨潤若鈎曲磔折緣數里始為藩困困盈復行乃浮屠之居有窺而激之以臨庖



者寒爲藿煥爲湯盎之以爲漿釜而煮之以爲糧有筮而激之以達廩者爲旋輪爲執碓以治麩粲轉而適於圃以爲桔槔適於籓籬以爲洒掃自簷而疏之以爲簾自砌而引之以爲渠婉而止之於清圓之甌與使之皓然若明月之在空谷也齧而拒之於聳牙硤确之磴竇使冷然若集桐之瀉於風松珪璋環珮相值而激越也天寶間方袍星君少許戒律面長林方崖以爲槽巢草閣依閣黎師香火百餘處皆引泉以自給滌濯盥頰資於泉故其人筋強而骨堅形骸清疏飲之既久則壽年彌長語鏗鏗然而固瞳子碧色跨泉爲飛虹之橋嘯泉以伽陵之禽佳葩瘦篁雲巖烟素鳧鷺散亂游鱗踊沒而低昂騷人徘徊且領幽曠冥搜遠琢於意言之表殆不能繪其彷彿世傳東南山之美必知玉泉之精廬焉清源周朴嘗得警句於此其氣燄炯炯至今膾炙人口五朝亂離兵搖盜起二宗榛莽旣熾復凋開寶二年始爲十方住持真覺大師首建禪席覺而下五世曰海惠乃大營葺新山門寢室佛閣前代頽腐圯漏一切掃去檀施陳氏藏鏹巨富樂於委施惠不幸早化陳氏老且死大像之殿猶前日之弊而弗革南宋沙門有

連江縣志

卷之三

寺觀

五

卿來繼惠事十有五年與其徒知倫本勤靡星霜誓頂踵自銖金尺木積累以就肯構殿垂成卿以疾去付朝議大夫謝公適聞可久師深得投子之道志行孤潔且命卽山焚修凡前日智力之所未辦咸藻黻鞞輓至於莊嚴具足而後已勤與倫奔走竭蹶克盡乎輪奐之妙其功尤多而能事大備寶改元元祐之始年也至明永樂成化間皆重修弘治間火崇禎間邑人吳執御重建有玉泉巖清澗閣明月軒龔况詩玉繞雲根冷珠飛碧甃深如何秋桂影長照此山陰有清風閣擁秀堂洪壯詩松帶飛雲暮簷支落日開重巖看不厭絕勝五臺山有瑞光塔流盃亭龔况詩松色雨中見潮聲沙外多銀鞍駐遊戲盃影落寒莎有志歸閣以上舊爲八景又周朴詩野寺度殘夏空房欲暮時夜聽猿不睡秋思客先知竹迴烟生薄山高月上遲明朝塵路去難與老僧期葉向高詩曾將此地擬東山謝傅風流不可攀碧草已荒行處路黃花猶照舊時顏庭前木落秋將晚洞口雲歸客未還十載舊遊今始續不妨沉醉向江關吳文華詩巾舄相隨躡紫烟閒從鳥逕訪金仙宦情迢遞浮雲外梵影依稀落照前古洞蒼鱗涵寶月香廚清



玉控靈泉坐闌得悟如蓮偈萬籟空無一事懸又詩禪房  
響幽竹泉玉細相和香刹逢初結熊軒喜並過前尊開石  
壁高調散烟蘿欲去還延佇山山暮雷多孫文銓詩石心  
溜玉濕無聲古寺賓泉舊得名明府風流窺上乘蔚藍天  
界自中興花迎劍佩宜春服水漫蘼蕪向早耕須擬醍醐  
拚一醉禪房丹竈晝烟橫寺下有談空亭祀漢前將軍關  
侯於中何其偉詩雨後秋雲樹樹勻登高頻見菊花晨曳  
筇老子前三笑拜水荒祠漢一人淺閣度泉通暗谷虛江  
流影動空旻野夫忘語石  
橋上日送殘陽過別津

### 寶華中巖寺

在玉泉山亦唐時建國朝康熙十一年邑人游光龍陳啟暉吳駿等同僧皎然重建吳

駿紀事歌畧云李唐大中之元年西關寶華巖巖巖然巖分  
中後弁分前利竿次第各相聯歷宋元明世代遷屢興屢  
廢易星躔留待皇清日月旋康熙癸丑喜續緣誅茅豎  
址架高椽中後二巖得肇先自唐迄今歲已千今朝始見  
掃荒烟我與游陳意氣堅計工料材悉自蠲寶華勝槩開  
新阡一十八景仍翩翩誰云東海變桑田晴嵐寶氣湧金

### 連江縣志

### 卷之三

寺觀

三

蓮衲子繡佛布檀旂翠竹蒼松交映妍月照上方塔影懸  
精藍雖小足安禪寶華舊列十二景趙恢詩踏破峯頭萬  
點霞淒清風物總堪佳懸崖古洞雲為鎖石溜寒泉玉作  
花黃家權詩小徑緣巖轉閑雲出谷幽松新翠尚薄苔淨  
滑如流空院山僧寂平江野漲  
浮本來蕭爽致此地便成秋

### 寶華後巖寺

在中巖右巖洞更奇石刻甚多康熙十一年  
重建今復圯陳啟暉詩泉養石蓮播七寶烟

歸筆岫  
繪三摩

### 觀音閣

在後巖前山下去邑二里許唐大中元年  
建興廢不一康熙三十四年僧碩楷重修

### 陀嶺塔院

距邑二十五里  
唐咸通二年建

### 西白蓮寺

在陀峯下距邑二十五里宋慶曆元年建陳肇  
光詩空山竹掃禪階淨幽塔雲迷佛像光白水

潺湲泉湧冷清  
池漾漾藕抽香



美肇寺

在陀峯距邑二十五里唐咸通二年建明崇禎間僧隆得重建

古禪法華藏院

在周溪距邑三十五里宋元祐七年建國朝康熙間僧六印重建

長生院

在周溪宋建中元年建

西興慶院

在周溪宋建隆元年建

在光臨里者曰

清涼寺

在長圍距邑四十里宋天聖四年建

瑞峯院

在光臨橫槎宋天禧四年建林搗詩流漱穿石齒斷雲埋屋山漫將塵市夢來伴道人閒桐暗飢廳

出松深倦鳥還竹鑪山芋粥咏笑十年間今廢

大旻寺

在長圍晉天福四年建

連江縣志

卷之三

寺觀

三

感應院

在湯店距邑三十五里

寺之屬仁賢里者曰

西安寺

在定田唐中和元年建古名西保安院又名龜山又名永安

寶應寺

在白巖距邑六十里唐乾寧三年建張瑩嘗讀書其中夜聞鐘鼓自鳴明正統元年重建燬國朝

順治八年重建

翠林寺

在白沙距邑六十里梁開平間建宋雍熙二年重建陳登詩山隈藏古寺有客漫迴車翠色浮青靄

林光染暮霞佛依雲作侶僧以醉為家寄興幽棲外徘徊日影斜

五峯院

在山坪距邑五十里唐中和三年建宋明道二年重修

寶月寺

在三望嶺宋政和二年建



寺屬賢義里者曰

清洋寺

在東塘距邑十五里  
後周廣順元年建

寺屬安義里者曰

龍溱報恩寺

在尖山距邑五十里唐乾寧九年建  
國朝順治十六年僧自定同徒十如重建

瑞巖寺

在尖山唐乾德四年建  
國朝康熙十二年僧正  
脉重建陳登詩翠壁晚銜丹嶂日疎鐘夜落紫巖

霜天風謾謾過松徑  
蘿月娟娟下竹牀

寶山寺

在尖山唐光  
啓元年建

在中鵠里者曰

寶林寺

在南阪距縣六十里唐大中六年建朱晦翁詩踏  
破千林黃葉堆林間臺殿鬱崔嵬谷泉噴薄秋逾

連江縣志

卷之三

寺觀

二天

響巖翠空濛畫不開一壑祇今藏勝槩三生疇昔記曾來  
解衣正作連宵計未許山靈便却回按公於此地授經二  
劉今寺後劉礪墳存吳文華詩路轉叢陰古寺偏石牀金  
像景蕭然貝花紙斷難猜偈于闐鐘存孰定禪露洗長松  
孤鶴下水流深澗毒龍遷菩提欲證無人會餘得鐘聲暮  
靄天傳唐宣宗時獨覺禪師念偈移石為室居其中四十  
年坐化後祈雨屢應咸淳六年早知縣宋日隆躬詣石室  
奉像至邑大雨隨至李彌遜詩喚起田農趁曉耕春雲已  
帶瀉簷聲如何乞取摩空手為挽天河洗甲兵陳旺詩獨  
覺高名自昔尊寶林遺跡至今存木橋草暗飛騰處石壁  
苔昏霹靂痕雙沼蓮開香繞寺萬松山好翠當門鄉人所  
禱年年事綠稻如雲雨滿村陳元登詩丹殿橫金榜蒼林  
結寶雲山隨溪水轉嶺向寺門分勝蹟傳遺  
語殘碑讀斷文後猶今視昔孰不慕前聞

靈山院

在杜棠距邑六十  
里唐景福元年建

靈峯院

在鳳巖梁貞  
明二年建



寺屬治南新安里者曰

南峯石門寺

在覆釜山下唐中和元年邑人謝諝募建光化三年僧道御繪圖以進詔賜額宋紹興間

賜為尚書李彌遜功德寺薨葬寺後明成化間佛殿火隨建後殿 國朝康熙二十年復燬僧德元募建原寺田四頃四十四畝嘉靖庚子造城賣存香燈田七十畝後康熙間僧雲友復私鬻殆盡乾隆四年邑紳士公向所鬻家議照近值應得贏錢約以田抽還共割出穀一千八百六十斤付僧承掌然在約聽贖者得田止近四十畝餘亦無考也游璉遊記云縣治之南峯曰石門仲冬與客遊其寺語僧曰寺之石門夙有闢也歲久無所於考上人試言之僧曰寺之南兩石對峙於山阿嶄然數丈許為藤蘿所交翳今令童闢之則兩門壁立始若天設門之右有石刻張寶民王晉卿已丑孟夏日遊石門二前修乃宋之名人偶寄輿於石以志不朽意山靈假手於人以顯於今日門之左有小石嵌於門之下擊之蓁蓁有聲名曰石鼓意亦神攄鬼劃不可窮狀門之東南南峯巒五起名曰五馬西南則高

連江縣志

卷之三

寺觀

三

峯峻拔名曰金鼇又西北峯豎大石如帽名曰覆釜皆環拱於寺羅列拜舞寺背則稠林老樹怪松修竹雖窮冬不見剝落旁數步許有澗澗中二石相排隨流而下形如魚名曰雙魚澗雨餘澗流衝激恍若鬚鬣飛動真奇觀也顧山川之形勝以人人與山川可以信諸後者文而已先生盍文之余曰自佛教入中國凡天下作為浮屠者不知幾千萬賢士大夫作為文章形諸詩歌以張其事者亦不知幾千萬吾今與客遊接諸目者子皆得聞也獨文乎哉余亦不當文者僧曰先生之言文也可以記有寺池白蓮吳收詩梵池秋澹鏡光寒玉宇搖風意自閒夜靜龍宮明月上獨餘香影落人間有五臺石王德溢記云余始卜石門訪五臺石不得一日偕僧緩步山橋命僕上巉巖忽報五石相峙有石橋梯而往也乃攀藤縱觀欣幸者久之憶昔李筠溪曾卧隱於此企慕芳踪間於鄉居題云半月池邊開竹所醉歌白幘萬象在前五臺石上夢筠溪笑問青山幾人到此又聯云石門雙峙自天成乾為之闢坤為之闔禪刹一方以人重山不在高水不在深謂筠溪也嗟余何敢望公第感時撫事容有同者使筠溪可作顧靳余掃松



間一石哉又詩剔薜陵嶒上五臺百年剛此笑顏開石門  
天啟春江入巖洞龍歸山雨來眼底鳶魚渾自悟花間燕  
雀不須猜筠溪面目青山在萬壑松風拂酒盃吳文華詩  
隱約烟霞見佛宮石門雙峙任過從巖頭琪樹閒相媚洞  
口瑤泉到自逢半月池涵蒼蘚色五臺石護白雲踪欲憑  
指點搜靈異應闢荆榛更幾重又德溢重九詩村籊准備  
菊花期世局閒忙且酒卮山色海門看不極濤聲石枕夢  
猶疑飄零天地一身在搖落年華兩鬢知白袷青鞵過莢  
節江關明日又新詩先謨和詩賞心偏值菊花期隔岸芙  
蓉映酒卮詩卷案頭蘇李別竹竿門外鷺鷥疑青山久訝  
蒼生夢鐵笛吹殘野叟知長嘯出郊秋欲老倚樓愁賦仲  
宣詩孫用和詩樓開清宴值芳期野色山容共一卮魚鳥  
悟來渾自得機關叅破更何疑池分半月蛟螭睡門  
掩清陰猿鶴知再向五臺尋舊跡秋風滿路動新詩

鼎石寺

在覆釜山昔陳自得修煉於此一說黃妙應在此  
飛昇明萬曆間建歲丙戌郡人有起義者屯兵山  
中伐其竹木僧避去鄉人乘亂拆其屋宇寺遂廢 國朝  
康熙庚申僧天忍募緣復建小屋今亦廢山巖洞奇絕頂

連江縣志

卷之三

寺觀

上有石如釜之覆江上詩一鼎奇而特諸遊覺徑庭天風  
吹石瘦灑氣襲人青足半雲霄路胷全山海經原來仙有  
跡亦愛此空靈陳啟暉詩鳥與微茫雲外見嵐烟變幻檻  
中移僧巢古木依山靜人踏危藤出洞遲吳沛達詩一窩  
直厝碧雲隈訝有神工剪草萊古洞猿呼明月上空山鬼  
聽說經回峯飛萬仞疑攢漢釜覆千秋已長苔不是老僧  
真慧力當時  
奇勝復誰開

盤谷寺

距治五里許在覆釜山下明崇禎間邑人林惠典  
建僧也懶說法於此何其偉詩林藏太古包渾噩

玉華寺

距治十里在覆釜山右明萬曆間有僧樂吾採藥  
洞中建 國朝康熙間圯雍正癸丑邑人陳修士

吳雲達  
平生日  
幾回

重建陳志遴詩下方無此淨山性况宜梅石壁香  
中閉玉人天際來客行紅葉徑僧笑白雲臺冒雨尋菴刹



南瑞巖寺 在矩庚宋天聖八年建

薦福寺 在瑞巖寺前宋天聖六年建

師山寺 在師姑山相傳宋時有小尼結茅其中竇一小金鐘為權貴所逼抱鐘沉於山下江中因名又云矩

庚二仙行樂之所周正子詩採藥來何處相逢話草堂不生劉阮夢長住白雲鄉寺下有春隄柳浦雪塢雲津諸勝

龍泉寺 在赤砂館宋景德四年建吳尚誠詩紆徐一徑上岑山高閣岩堯抱碧灣遊客漫隨清磬入老僧長

對落花閒洞天龍見虛無裏雲壑泉鳴杳  
霽間盡日淹留情不極却疑身世出塵寰

寺屬安慶里者曰

南白蓮寺 在鏡路宋建隆元年建

玉樓寺 距治十五里在澄巖嶺上陳肇光詩石龕巢古佛松徑罩蒼苔境寂禽相語巖虛花自開大觀空法

連江縣志

卷之三

三

界默坐淡靈臺萬古青山在浮雲任去來

寺屬安定里者曰

廣化院 距治五十餘里唐乾寧元年建周布詩松陰先在石橋邊登寺還看樹一圓叢菊入冬香不已佳禽

愛客語相連泉爭曲澗聲皆雨月暗空林影  
盡烟消受老僧兼好友夢魂清逐竹風眠

寺屬安中里者曰

逍遙院 在蘆瀨唐大中三年建寺旁有巨石手探孔中卽香聞於外故又名香菴明代廢 國朝康熙壬子

僧徽達募緣重建

屬治東永貴里者曰

雲居上菴 在雲居山距治十五里唐時建宋元屢修 國朝康熙戊申重建道由山藏循山趾透迤以上



奇景錯出其著者有八一日出米石今塞孔存二日朝天石三日屏風石四日浣花潭五日老翁石六日老翁田七日馬腰八日鯉魚石又有耕農石有雙脊龜石有指動石有踏碓石有金雞石有蓮花石有數十石遍刻十二光佛名號寺後百餘步下瞰大海森然無際近而荻蘆遠而五虎諸島巖皆在隱見間董應舉詩幾葉漁舟滄海外半天佛塔白雲隈釋海筏題聯海自混茫能蓄日山無今古獨居雲何其偉詩地臨星宿窟天盡海南雲邵似歐詩俯仰乾坤一氣融百川東下盡朝宗中原地接蒼茫水三島人栖縹渺峯蕩漾波濤搖日月鬱葱雲霧隱蛟龍臨風直欲飄然去左拍洪崖右赤松山頂有石塔高聳凡二層名普光塔上可觀日出陳元登詩天星淡淡海門東遠籟寒吹萬里風獨立雲居丹嶂上俯看日出碧波中火燒銀的千重燄輪湧金光百道紅此際下方還熟睡鷄聲曉角亂霜空周懋勳詩紫霧千層金躍冶寶光一片鏡登臺就中恍有飛鳥渡何地曾容夸父來

雲居下菴 又名淨居在雲居山麓明代建陳發曾詩辛夷白到嶺遙識此菴幽老樹藤垂蔭方池澗夾流

連江縣志 卷之三 寺觀 三

未炎思結夏當月更宜秋聞道探奇侶層巖鬱未收趙有聲詩林間海影搖空碧天半濤聲蕩夕陽

雲居靜室 又名屏雲在雲居山之南有獅子巖片石屏立雲中下瞰大海僧密嚴坐夏其間歷十餘年菴

成於 國朝順治五年趙有聲詩寶鼎香沉正夜分風敲殘竹隔窓聞道人閒散了無事但向空山宿白雲

東保安寺 在關頭後唐同光三年建

屬嘉賢上下里者曰

光化寺 距治五十里唐乾寧元年建宋咸淳三年賜合沙郡公常挺為功德寺更名報國寧親寺明洪武間

馬漚陳維順 捨田重修

廣應院 距治四十餘里唐貞觀元年賜紫僧了翁建宋崇寧乙酉賜紫沙門全慶修明嘉靖間僧真信重建

實際寺 宋嘉祐間建



龍興寺 在財溪宋建隆元年建今廢

寶壽寺 在官巷宋皇祐元年建元至正二十五年僧月海修 國朝雍正間重修

寺之屬保安里者曰

真如菴 距治六十里元延祐六年建明正統三年重修

報國寺 在東村宋熙寧二年建初名安國元至正十一年重修

淨安寺 唐咸通五年建初名祇垣梁大通六年改今名

月峯寺 唐天寶元年建額亦名廣化大順三年改今名

鑪峯寺 在鑪峯山頂有上下二菴

屬二十六都者曰

連江縣志

卷之三

寺觀

三

海潮菴 在亭角距治八十里明洪武五年建 國朝雍正間僧常明重修孫文錫詩落日西山道看雲歸去

遲石邊 苔骨冷天外鳥聲微野老苦添酒  
山花笑 索詩醉來門半掩新月掛松枝

寶積寺 在蛤沙距治六十里宋嘉祐二年建明正統元年重建

屬二十九都者曰

保福寺 在牛羊嶺宋乾德四年建

樵院 在樵橋宋太平興國元年建

寺之在集政里者曰

峽山護國觀音寺 在麻阪距治五十里唐元和四年建

彌勒寺 在五樵前距治五十里宋開寶三年建



隱峯寺 在塘邊距治五十里朱開寶三年建

寺在建興里者曰

湧泉寺 在杜花距治八十里舊志仙釋傳載尼行烟為保安里前山鎮東南道威武節度使陳豹之女初名

秀英幼慕佛法嘗往僧寺聽經或妄興謗訕行烟因斷臂明心血流如雪人方神之及捨俗為尼嘗自誓曰吾遊方

所至之處必安居禪定三日夜或居之安則捐貲建寺後至土坎倉前草堂見前山擁秀潮水通滙左右有溪後有

深泉因三日夜安居其中修禪定法身心調適曰此可居矣乃捨已田及出以為鎡基給徒眾歸功於父豹立像為

檀越主人遂住持而終老焉按烟為唐廣明時人前山即今辰山土坎即梓錦草堂不知所始而此寺之建則在廣

明間也以山有泉因名寺曰湧泉歲久寺圯元延祐間住持僧德勝及豹之後人陳善達等捐貲重修進士陳炎圭

為記黃士舉詩寒山盡日招行客踏破閒雲雙屐跡古寺幽棲亂石中新埃擎起危巖脊樹陰松影眾壑流溪水江

連江縣志

卷之三

潮千里碧日暮荒烟處處村窺人鸞月鳴峯隙

資聖寺 在浮曦距治九十里唐景福二年建宋淳熙二年重修

若羽客舊樓今可追溯者曰

龍興觀 在東關外宋紹興間建祀東嶽神為祝聖道場景定二年郡公常挺以龍興廢寺田九百餘畝奏為

觀業明嘉靖三十六年倭亂火萬曆間重修 國朝康熙七年北路總兵官吳萬福駐防遊擊張有才重修

位初道觀 在永貴里湖裏元延祐六年建

位都觀 在永貴里百勝嶺頭鐵壁道人住處

清隱觀 在中鵠里杜棠元至正四年建

三仙觀 在安德里元至正十五年建



凡有六而皆爲僧居久與寺類連無三景之教卽一二黃  
冠僑寄亦他有所託不能與僧爭也僧之修行頗高者漱  
滌垢塵超然世外名勝或藉以主持儒者不之病如昌黎  
與大顛遊歐陽永叔多爲僧作遊序宜無不可究其道不  
必馳驟心田也文亦不必波濤口海也欲以探覽妙門精  
窮奧業彼中之龍象亦幾何乎

連江縣志

卷之三

寺觀

三五

